

國家圖書館分館編

清代孤本方志選

(第一輯第二十一冊) 江西南安府志「康熙」二十卷首一卷(二)

南安府志卷之十五

名勝志

歷世至數十百年而高岸為谷深谷為陵古賢豪
之旅墳三尺訪焉且莫知其所何論古蹟矣紀載
之弗闕庶用存其名矣乎至夫寺觀之屬類多名
賢所托足而騷人韵士率於茲游覽焉其題咏或
猶有存者倘亦好事者之所亟欲賞心歟志名勝

第十

古蹟 勝景附 丘墓附

府 大庾附

南安府志

卷之十五 名勝

一

庾勝將軍城 在治西二里管界都玉池坊一統志

云舊有庾將軍廟庾勝築城於此久廢

九柵故址 隋開皇十年番禺王仲宣反嶺南立九

柵屯大庾嶺詔裴矩進兵擊破之元誌及一統志

云今安庾里有遊仙徑崎嶇峽石中六七里乃抵

關路兩山對峙相去袤丈關之外南下亦峻關之

內有廣谷容寨柵處即九柵故址

庾嶺驛 在嶺下唐宋之間有題大庾嶺北驛詩見

藝文

甲仗庫 元志云有屋三間設四門刀盾之屬二三

百具城守雜噐稱是蓋朱狄武襄青收儂智高之
餘物也乾道庚寅郡守向仕俊改造元季廢今基
址爲架閣庫時又有軍資庫今亦廢

吟風弄月臺 在府後堂東偏初名中臺宋周濂溪

爲軍司理時通判程大中珦遣二子從學於此明

太守張弼重建易今名陳白沙獻章湛甘泉若水

俱有詩見藝文

按城中舊有三臺命曰三星此爲中臺嶺北道公署後爲東臺侍郎

劉節宅內爲西臺修撰楊慎命曰擬星都憲王公守仁書今俱廢

雲章閣 在府學東宋時建藏宋理宗御書道源書

院四字

公使酒庫 在府治門外紹興丁丑知軍李聞之創
堂二曰芙蓉曰燕堂郡酒名宜春其坊皆相倣效
依酒經釀造宋元豐間黃庭堅典試南安貢院飲
酒有詩

蒙川館 在郡城東南東山麓舊有仙翁菴有堂宋
蒙川先生劉黻爲太學生時劾丁大全之奸安置
南安軍嘗寓於此明太守張弼作蒙川館且爲記
表章之

鐵漢樓 在郡城西北寶界寺宋紹興間大名劉器
之先生安世忤章惇謫置南安軍奉母夫人寓寺

中後復屢謫炎荒氣不少挫蘓坡公聞之曰真鐵漢也明成化辛丑東海張公於寺西廊建樓表曰鐵漢

貢院 在城南一里前後臨溪淳熙戊申知軍方崧卿建新舊屋舍百間有奇至元間爲醫學後爲橫浦驛今爲民園

張無垢題柱 在郡通守懈內延松堂宋紹興間張子韶九成爲秦檜所忌有南安之謫旣至寓寶界寺結廬日與生徒講學旣退則手一編倚柱就明積久柱下發篋雙趺隱然因題柱以識云平生好

書老來病目執書就明於此者十四年矣淳祐中
軍倅胡元質漆劄其題柱以去真之延松堂曰恐
其久而壞也知軍李大正曰筆跡之壞孰與跌跡
後數日訪於寺并跌跡亦失之

劉元城經偈刻石 在寶界寺內又有江民表輪藏
記並劉江及張無垢三公小影碑

驛使門 在貢院舊址北宋知軍管銳建久廢

蘓文忠画壁竹石 舊在城東常樂院坡公嘗憇院
中戲掃竹石于壁張子韶跋云東坡先生自海上
北歸過橫浦到常樂院戲掃竹石于壁輪囷離奇

跌宕傲兀想風月中磅礪乎萬物之表而徜徉乎
八極之外豈世間筆墨所能到耶埋沒荒寺久矣
紹興癸酉十一月郡守王徽粹李知止恐風霜剝
落命工摹刻置之郡治以傳不朽俾范陽張九成
書其後云

富源店 卽福源店在治南枕大江元大德間本路
各屬官捐俸葺樓屋共二十四間以停商旅歲入
租供官用因名今久廢

南安寨兵萬戶府 元志云方僉判廳也在府治西
舊有碑載兩廣治瘴藥方今廢

勝景附

庾嶺梅紅 玉池蓮碧 靈巖飛瀑 橫浦垂虹

嫦娥秋月 玉枕春雲 赤壁仙舟 金蓮使節

東山擁翠 西華流丹

南康縣

南康古城 在縣西南隅一里即晉縣舊基

南楚舊縣 本漢縣屬豫章郡後更南安復名南康

至明以南楚驛名云

翠微亭 在縣治內宋相陳升之父為主簿時以石

甃臺構亭其上扁曰翠微紹興間邑令劉將易名

陳公臺

縣尉司

在縣治東迎恩門內宋紹定中縣尉戴嘉

甫重建元末兵燬洪武初知縣周以中以其基爲

城

字民銘

在縣治儀門內宋咸淳六年御製并書刻

石

八桂堂

在縣治東北宋紹興初邑令趙公瑾建

熙春亭

宋陳秀公升之築於翠微亭前後易曰獨

秀取東坡詩也

隱相亭

在八桂堂南宋紹定中邑令戴翼建以陳

前
卷之十一
秀公會合於此故以名亭

瑞露軒 在縣治內宋縣令陳廷傑有善政甘露降

于古余因以名軒

放生池亭 在縣東門外清真觀前因濠爲池宋淳

熙間邑宰曾三復建亭其上今廢

旭嶺書臺 在縣北九日山陳秀公宰邑時築山椒

有旭山亭

同巡寨 在縣北長伯里元時鄉民避寇置爲保障
後廢於兵火

勝景

南山挹翠 東渡觀瀾 蘓步名坊 呂仙丹井

蒼龍躍浪 寶馬騰雲 秀峯文筆 旭嶺書臺

上猶縣

上猶塲故趾 舊志云唐莊宗同光中建在靈石寺

北以地有猶水故名南唐保太間立上猶縣塲廢

舊縣治 在今縣治西宋紹興間始徙今所

李相亭 在縣北學宮後龍歸坑以宋制置使李綱

過此故立亭其上明知府張東海弼更地名曰騰

龍嶺並爲李相亭記見藝文

舊都稅務 在縣東半里久廢

勝景

騰龍結瑞

飛鳳覽輝

南山聳秀

吳嶂騰光

書臺毓秀

奎石環奇

崇義縣

勝景

旗峯挺秀

帶水紆清

龍山捲雨

魚石屯雲

丘墓

大庾縣

陳氏墓

在府治東青龍岡漢陳蕃被害徙家入南

又追至此滅之蕃友人朱伯厚輩為收葬嘗有發

塚見大蛇纏墓風雨晦暝卒不敢犯

牛相公墓 在治北五里金湖坊鄧家山下墓高五

六丈旁環列小瑩三十餘陪塋今多頽圯有平於
犁鋤者往往得銅錢器物缺折剝蝕無名可考

解太尉墓 太尉名潛宋人以不附和譏忤秦檜謫

庾終焉墓在城西有庵曰太尉庵久廢僅存遺址

松竹鬱然

賢守張公墓 名元行墓在金蓮山之東木魚嶺

節壽扶母盧氏墓 孀節壽至百有一歲墓在五里

山倉背

南康縣

樊將軍墓 在縣西南豐里羊坑基高二三十丈

四圍板石狀如覆鐘舊傳爲樊噲塚又相距二十里地曰樊坑有樊將軍宅基

王小姑墓 在縣北崇信里峩山墓高五六十丈春月常有雲氣封護父老云小姑太行山王延郎族女也

上猶縣

晏大夫墓 舊志云在村頭里太傅山墓隆如埠採不敢入相傳是晏嬰墓云

謝節婦墓 在縣東一里官路傍元謝千九娘墓也
有石碑表曰節婦謝氏詳列女